

*audire Salomonis.* Idem vero Hieronymus, lib. Quæst. in Genesim, circa illa verba c. 40: *Fili autem Chus, Saba, et circa illa: Filii reginæ Saba,* dicit a priori Saba, qui per *Samech* scribitur, appellatos esse Sabæos, et regionem Saba, quæ nunc, inquit, *interpretatur Arabia;* de qua dicit intelligentum esse illud Psalm. 71: *Reges Arabum et Saba.* Alii vero existimant eam regionem traxisse nomen a nepote Abrahæ, de quo fit mentio Genes. 25; nam et ibi nominantur Madian et Ephra, et deinde subditur Abraham separasse eos ab Isaac ad plagam Orientalem; et ibi Hieronymus, in Quæst. Hebraicis, ait, juxta historicos Hebræorum eos occupasse Arabiam, quod etiam sentit Epiphanius, in Compendio doctrinæ, quod habetur lib. 3 Adversus hæreses, in fine, qui tamen Arabicam illam regionem, unde Magi venerunt, *Magodiam* appellat, indicans ab ea fuisse Magos sic appellatos. Denique Plinius, lib. 6, cap. 28, Sabæos Arabes esse dicit; quod latius tractat lib. 42, c. 14. Juxta prædictas ergo prophetias recte intelligitur Magos Arabes fuisse.

6. *Quomodo Magi venisse dicantur e Perside.* — Secundo, in hac sententia sunt antiqui Patres, Justinus Martyr, dialog. cum Tryphonie: *Quam primum, inquit, natus est, Magi ex Arabia profecti adorarunt eum;* et ut ad hoc mysterium accommodet prophetiam Isai. 8: *Priusquam sciat pervocare patrem et matrem, auferetur fortitudo Damasci,* subdit, Damascum sitam esse in terra Arabicæ, quamvis nunc contributa sit Syrophenicæ. Et idem dixit expresse Tertullianus, dicto lib. 3 contra Marcion., c. 13. Cyprianus etiam, serm. de Stella et Magis: *Nec multo post, inquit, Arabum fines hujus rei notitia penetravit, et incolis Saba præclaræ stellæ luminis cœlestis numen novis splendoribus indicavit.* Præterea, Cyrillus Alexandrinus, lib. 4 in Isai., orat. 4, exponens verba illa c. 49: *Ecce isti de longe venient, et ecce illi ab aquilone et mari, et isti de terra australi,* ipse legit de terra Persarum, et exponit de adventu Magorum, et subdit interdum Persiam Arabiam nominari, vel e converso. Et fortasse eodem sensu Isidorus, lib. de Passione Domini, c. 14, dicit Magos venisse de gente Persarum, et de Arabia, et Saba. Nam quia Arabia Felix sic est Persiae vicina, ut ab ea solo Persico sinu separetur, interdum sub *Persia* appellatione comprehenditur. Et hoc modo possent ad hanc sententiam accommodari Sancti in prima citati.

7. *Arabia Felix aromatum ferax, et auræ.* —

Tertio, sumitur conjectura ex qualitate dominorum quæ Magi Christo obtulerunt; Arabia enim Felix ferax est auri et aromatum, unde regina Saba magnam vim auri et aromatum Salomoni attulit, quando ad illius gloriam vindendam venit, 3 Regum 10. Unde Tertullian., in Apologet., c. 42, ad hanc Arabiæ abundantiam alludens, inquit: *Thura plane non eminus, si Arabiæ queruntur, sciant Sabæi pluri et carioris suas merces Christianis sepiendiis profigari, quam Diis fumigandis;* et c. 30, grana thuris vocat *Arabicæ arboris lacrymas.* Et Plinius, lib. 42, cap. 14, regionem Saba *thuriſeram* vocat, et solam fere Arabiam esse *feracem thuris.* De auro vero sufficiens testimonium est illud Psalm.: *Dabitur ei de auro Arabiæ.* Unde obiter colligimus literalem rationem, ob quam Magi hec dona obtulerunt, fuisse, quia illorum regio illis rebus maxime abundabat, et in majori aestimatione ac pretio inter ipsos habebantur. Mysticæ autem rationes tradunt Sancti Patres supra citati, quæ in eis videri possunt, præsertim in Irenæo, lib. 3 contra Hæres., cap. 10; Hilario, canon. 4 in Matth., ubi sic inquit: *In auro regem, in thure Deum, in myrrha hominem. Aique ita sacramenti omnis est consummata cognitio, in homine mortis, in Deo resurrectionis, in rege judicii.* Similia vere leguntur in Leone, Cypriano, et Chrysostomo, et Gregorio Nysseno, orat. de S. Christi Nativ.; Isidoro, lib. de Allegoriis Novi Testam., in principio; et Ruperto, lib. 2 in Matth., in principio, qui sentiunt eas rationes mysticas fuisse ab ipsis Magis intellectas et intentas ad profitendam veram fidem, quam de Christi divinitate ac humanitate habebant. Quod expressius docuit Theodosius Ancyranus, orat. de Nativit. Christi, habita in Concilio Ephes., tom. 6, Append. 5, c. 2. Addi potest in confirmationem conclusionis, ex Hieron., Isai. 15, quod, licet Balaam oriundus fuerit ex Mesopotamia, illud tamen vaticinium, *Oriens stella ex Jacob,* non in Mesopotamia, sed in Arabia protulit. Illuc enim a rege Moab vocatus fuerat, ut constat ex Num. 23. Moab autem, inquit Hieronymus, provincia est in Arabia. Fateor tamen Hieronymum non explicare illam esse Arabiam Felicem.

8. *Objectio.* — Sed objici potest, quia in illo eodem Psalm. 71 dicitur: *Coram illo procedunt Æthiopes, et inimici ejus terram lignant, reges Tharsis et insulae munera offerent;* et Psalm. 67 dicitur: *Æthiopia præveniet manus ejus Deo.* Sed Tharsis est in India Ori-

tali; *Æthiopia* vero longe ab Arabia distat. Et confirmatur, nam ubi in illo Psalm. 71 dicitur: *Reges Arabum et Saba,* illud *Saba* in hebræo per *Samech* scribitur, quomodo regionem *Æthiopæ* significat, ut ex Isai. 43 et 45 colligitur; et ibi Hieronymus indicat in posteriori capite. Confirmatur secundo, quia Arabia potius est meridionalis quam orientalis, unde regina Saba, *regina Austri* appellatur.

9. *Responsio.* — *Regio Tharsis quæ.* — Ad primum de nomine *Tharsis*, respondetur ex Hieronymo, 3 tom., ep. 133 ad Marcel., et Isai. 2, illud nomen æquivocum esse, et interdum significare Indiæ regionem, interdum vero ipsum mare; et hoc posteriori modo sumitur in prædicto Psal., ut *reges Tharsis* dicantur, qui regnant in insulis maris, sive hoc generatim intelligatur, sive specialiter de insulis maris, seu sinus Persici, cui fortasse aliquis horum Magorum dominabatur. De nomine autem *Æthiopæ* omnes Sancti intelligent, ea voce per metaphoram significari omnem Ecclesiam ex gentibus congregandam, quia peccatis deformis ac nigra erat, sed per Christum erat pulchritudinem consecutura, et Israeliticum populum præventura. Ita exponunt Theodoreetus, Ruffinus, Augustinus, Incognitus, et alii, dicto Psalm. 67 et 71; et Origen., hom. 4 in Cantica; Chrysostomus, hom. 4, ex variis in Matth. Neque obstat quod illud verbum Gentium conversionem generatim significet, quia (ut supra dixi) hæc expositione alteram non excludit, præsertim quod potuit prius prædicti universalis conversio Gentium, et postea in particulari initium et primitie illius conversionis designari, ut prædicti Sancti etiam exponunt.

10. *Saba regio quæ.* — Ad primam confirmationem, incertum est illud quod assumitur; nam Hieronymus, Quæst. Hebr. in Genes., et Isai. 43, indicat *Saba*, per *Samech* scriptum, Arabiæ regionem significare. Unde fortasse scriptum per unam litteram, scilicet, *Schin*, significat universam Arabiam, scriptum vero per aliam litteram *Samech*, speciale aliquam provinciam vel regionem ejus. Unde in hoc Psalm. 71, ubi nos legimus, *reges Arabum et Saba*, Hebrei legunt *Reges Saba et Saba*, primum per *Schin*, et secundum per *Samech*. Quod si fortasse est aliud *Saba* in *Æthiopia*, cuius nomen ibi positum est, respondetur, non omnia quæ ibi prædicta sunt, ad Magorum adventum pertinere, neque oportere ut omnia statim initio nativi-

tatis Christi fuerint impleta. Quod vero potius reges Arabiæ, quam *Æthiopæ* initium huic conversioni daturi essent, et prophetia Isaïæ confirmavit, apud quem nullus dubitat quin *Saba* Arabiam significet, et eventus ipse probavit.

11. Unde ad secundam confirmationem respondetur, eam recte concludere hos Magos non fuisse *Æthiopes.* Nam *Æthiopia* omnino est Australis; propter quod aliqui existimant, et indicat Origen. supra, reginam *Austri* ex *Saba* *Æthiopica* venisse. Atvero Arabia, quamvis nonnullum ad Austrum declinet, Orienti tamen vicinior est. Unde Tacitus, lib. 5 Histor., Judæam a parte Orientali dicit spectare Arabiam, quod maxime verum esse censemur, si hiemalis solstitii ratio habeatur.

## SECTIO IV.

*Quo loco et tempore Magi Christum adoraverint.*

1. Primo, de loco in quo Magi Christum invenerunt, omnes fere Patres conveniunt illum fuisse Bethlehem, quia Matth. 2 satis aperte indicatur in illis verbis: *Et mittens eos in Bethlehem, dixit: Ite, etc., adjunctis illis: Qui cum audissent regem, abierunt, utique Bethlehem, stella duce, usque dum veniens, staret supra ubi erat puer.* Dissensio tamen est in quo loco Bethlehemito et invenerint, et adoraverint Magi Christum. Nonnulli enim existimant, locum illum non fuisse speluncam, seu stabulum in quo Christus natus fuerat; sed domum aliquam oppidi Bethlehem, fundati fortasse in verbo illo Matth. 2: *Et intrantes domum, invenerunt puerum.* Ita docet Epiphan., l. 2 Contra haer., in 51: *Ingressi, inquit, in domum, invenerunt puerum cum Maria, non amplius in præsepi, non amplius in spelunca, sed in domo.* Existimat enim Epiphanius Magos non post decimum tertium a nativitate diem, sed post duos annos Christum adorasse, et ideo consequenter recte opinatur, non in spelunca, sed in aliqua alia domo eum invenisse.

2. *Christus in præsepi adoratus a Magis.* — Verior tamen ac communior sententia est, eodem loco fuisse Christum adoratum a Magis, quo fuit natus. Ita docet Hieronymus, Epist. 18 et 27: *Hic demonstratus a stella, hic adoratus a Magis.* Chrysostomus, hom. 6 in Matth.: *In præsepi, inquit, et tugurio.* Idem significat hom. 4 ex variis in Matth., et orat. de S. Philogonio, paulo post medium: *Accurrunt, inquit, ut illum videant in præsepi*

jacentem. Gregor. Nyss., orat. de S. Christi nativitate: *Regem in spelunca latentem non ignoraverunt. Cyprian., de Stella et Magis: In loco humili, et supellectile vili Rex Regum, et Dominus dominantium invenitur, cognoscitur, adoratur.* Idem indicat Theodoretus Ancyranus, supra dicta oratione de Nativitate; et optime Euthym., Matth. 2, dicens de Evangelista: *Tugurium hic domum appellat, quod Lucas divisorum dixit; domus enim erat, quod utcunque inhabitaretur.* Et eadem sententia frequens est apud Sanctos Patres, Leonem, Augustinum, Fulgentium, et Eusebium Emissenum, Bernardum, et reliquos, in concessionibus Epiphania. Unde Nicephor., lib. 1 Historiae, c. 43, hanc sententiam certiore esse dicit. Et constat, quia B. Virgo non recessit a loco partus usque ad Purificationem; ostendemus autem hoc mysterium ante purificationem contigisse. Deinde, qua ratione negat Epiphanius inventum esse Christum in praesepi, posset negare inventum esse in Bethlehem, ut statim commodius argumentabimur, quia haec quæstio ex alia de tempore pendet.

3. Secundo ergo de tempore adorationis Magorum, quod ad mensem et diem attinet, suppono accidisse sexta die Januarii, de qua re commodior disputandi locus incidet infra, quæstion. 38. Tota ergo hoc loco disputatio est de anno quo post Christi nativitatem hoc mysterium peractum fuit. Nam idem Epiphanius, loco supra citato, et lib. 1, hæresi 30, versus finem, docet Christum adoratum fuisse a Magis biennio post suam nativitatem. Fundatur, quoniam Herodes jussit interfici infantes a bimatu et infra, secundum tempus quod exquisierat a Magis. Signum igitur est eos pervenisse Jerusalem biennio postquam stellam Christum natum ostendentem inspexerant.

4. *Objectio.* — *Responso.* — Quod si objicias, quia juxta hanc sententiam non inventissent Magi Christum in Bethlehem, nam Evangelista dicit, statim post Virginis purificationem reversos esse parentes Christi in Nazareth, civitatem suam, respondet Epiphanius, ob venerationem nativitatis Christi solitos fuisse Deiparam et Joseph redire singulis annis Bethlehem, et ita contigisse ut ibi inventirentur a Magis, non quidem in spelunca, sed in domo aliqua (ut Evangelista significat). Quia in aliis annis non concurrebat tanta hominum frequentia venientium, ut describerentur juxta Cæsaris edictum, quæ fuit oœa-

sio ut in nocte nativitatis Virgo et Joseph non ad domum aliquam, sed ad speluncam diverterent. Hujus sententiae videtur etiam esse Eusebius, in Chronico. Nam eodem anno videtur ponere et adventum Magorum, et occasionem Innocentium; quod videtur potissimum hujus sententiae fundamentum. Quia verisimile est Herodem non distulisse tanto tempore Innocentium cædem; sed statim ac intellexit se fuisse illusum a Magis, illam executioni mandasse.

5. Nihilominus communior sententia ac verisimilior est, Magos pervenisse Bethlehem decimo tertio die post Christum natum. Quod aliquantulum indicat Matth., dicens: *Cum natus esset Jesus in Bethlehem Iuda, ecce Magi ab Oriente venerunt.* Deinde haec videtur esse communis traditio et sensus Ecclesiæ, quam supponunt omnes Patres supra citati, qui dicunt Christum inventum esse a Magis in divisorio, quod non fuisset credibile, si post duos annos Magi advenissent. Ita scribit Ammonius Alexand., in Harmonia quatuor Evangeliorum; Niceph., lib. 1, cap. 13; et Albinus, de Divinis officiis, c. de Epiphania; et Anselm., Matth. 2. Unde eleganter August., serm. 2 de Epiphania: *In praesepi tunc jacebat, et Magos ab Oriente ducebant, abscondebantur in stabulo, et agnoscebant in calo, ut agnitus in celo manifestaretur in stabulo.* Tertio, quia, ut venirent ex Arabia usque Bethlehem, non indigebant tanto temporis spatio; distat enim trecentis ad summum leucis, quas decem diebus perficere potuerunt. Præsertim cum Isai. 60 indicetur, eos in dromedarii fuisse venturos. Quod obiter confirmat hos Magos venisse ex Arabia, in qua hi camelii procreantur, qui dromedarii dicuntur; hoc autem animal velocissimum est, teste Aristotele, l. 9 de Hist. anim., cap. ultimo; et Philostratus, in Vita Apollonii, ait confidere uno die mille stadia, id est, 40 leucas.

6. *Prima responso ad fundamentum Epiph.* — Ad fundamentum Epiphaniae respondent aliqui, stellam apparuisse Magis biennio ante Nativitatem Christi. Ita docet Augustinus, et ex eodem fundamento id colligit, serm. 7 de Epiph.; cum enim dixisset Magos venisse paucis diebus a Nativitate Christi transactis, subdit, in celo vidisse stellam, non ante paucos dies, sed ante ferme biennium, sicut inquirerent Herodi patescerunt. Unde a bimatu, et infra, secundum tempus, ut scriptum est, quod inquisierat a Magis. In eadem sententia est Chrysost., hom. 7 in Matth., quamvis non dicat

ante biennium, sed ante multum tempus stellam apparuisse. In Imperfecto autem Matthæ., hom. 2, dicitur Magos iter egisse per biennium, præcedente stella; non explicatur autem an illud biennium precesserit, vel subsequentum fuerit Christi Nativitatem; ex iis vero quæ inferius dicuntur, colligi potest præcessisse, cum asseratur Magos invenisse Christum in praesepi; atque idem plane sensit Theophylact., Matth. 2; et Nicephor., lib. 1 Hist., c. 13.

7. *Stella Magis non apparuit ante Christi nativitatem.* — Cæterum hæc sententia difficilis creditu est. Primo, quia (ut contra Epiphanium argumentabamur) non potuerunt Magi tantum tempus in via confidere; nec verisimile est eos post visam stellam profectionem distulisse; nec oportuit illis stellam apparere ante tempus ad illud iter agendum necessarium, præsertim quia *Spiritus Sancti gratia nescit tarda molimina.* Deinde, cum pervenerunt Jerusalem, non inquirebant de rege nascituro, sed jam nato, dicentes: *Ubi est, qui natus est rex Iudeorum?* et addunt: *Vidimus enim stellam ejus, id est, regis nati;* ergo stella, statim ac illis apparuit, indicavit illis non nasciturum, sed natum. Unde Augustinus, ser. 4 de Epiph.: *Eo, inquit, die quo natus est Christus, illi stellam in Oriente ruderunt, et quem natum indicabat, agnoverunt, et ex illo die ad hunc diem occurrerunt.* Idem indicat Leo Papa, ser. 1 de Epiph., in illis verbis: *Mox ab omnibus voluit agnosciri, qui dignatus est omnibus nasci. Tribus igitur Magis in regione Orientis stella novæ claritatis apparuit;* et ser. 2, dicens, *sinu Magos per stellam, et Pastores per Angelos ortum Domini didicisse;* et Fulgentius, ser. de Epiphania, sic loquitur: *Hæc stella nunquam ante apparuit, quia nunc eam puer iste crevit, et a Magis ad se venientibus præciam deputavit.* Atque ad eumdem modum loquuntur cæteri Patres qui de Epiphania scribunt. Et hanc sententiam magis videtur probare D. Thomas hic, art. 6, ad 3.

8. *Secunda responso.* — Ad fundamentum ergo Epiphaniae responso vulgaris est (quam ibidem D. Thomas refert), Herodem non occidisse infantes ante biennium transactum, quia Romam eo tempore vocatus fuit, eo quod a filiis suis apud Cæsarem fuerat accusatus; neque eo anno usque ad sequentem redire potuit. Sed hoc non solum est incertum, verum etiam antiquis historiis parum consentaneum. Eusebius enim, lib. 1 Histor., cap. 8,

post Innocentium mortem, indicat Herodem domesticis calamitatibus ac seditionibus fuisse afflictum.

9. *Vera responso.* — *Infantes innocentes quo tempore ab Herode interempti.* — *Adoratio Magorum die veneris contigit.* — *Objectio.* — *Responso.* — Aliter respondet Augustinus, secundo libro de Consensu Evangelist., c. undevico, his verbis: *Omitto dicere quot et quantis occupationibus regia cura distendi potuerit, et per plurimos dies ab illa intentione, vel averti omniō, vel impediti.* Et in illo toto capite varias hujus dilationis causas et occasiones ex cogitat, quæ sine dubio accidere potuerunt. Non tamen existimo necessarium concedere Herodem per biennium distulisse Innocentium cædem; habemus quidem ex Luca, non occidisse illos intra primum, vel fortasse etiam intra secundum mensem. Nam prius Virgo præsentavit filium in templo, et deinde descendit cum Joseph Nazareth; et verisimile est ibi aliquo tempore habitasse, priusquam, admoniti ab Angelo, in Ægyptum discederent, post quem discessum, teste Matthæo, mors Innocentium secuta est. Intercessit ergo aliquod tempus a reditu Magorum usque ad mortem Innocentium, et fortasse non fuit tantum duorum mensium, sed plurium, tum propter conjecturas Augustini; tum etiam quia verisimile est, priusquam tam immane facinus Herodes aggredieretur, omnem adhibuisse diligentiam ut conquisitos Magos ad se revocaret. Quanquam autem statim intra paucos menses infantes occidi jussiterit, fecit tamen ut interficerentur omnes a bimatu et infra, non quia existimaret stellam ante duos annos apparuisse Magis, sed præ nimio timore, et ob majorem certitudinem et securitatem. Quod recte docuit Chrys., hom. 7, his verbis: *Quod a biennio et infra interfecit, neminemur, siquidem pavor et furor, majoris securitatis et certitudinis causa, etiam tempus profert, ne quisquam ejus ætatis et forte sit potissimum, propter quem alii interimuntur, effugiat.* Addi etiam potest (quod hic D. Thomas ex Augustino refert) timuisse Herodem, ne cui sydera famulabantur, speciem suam paulo supra vel infra ætatem transformaret. Addo denique, quanquam Herodes a Magis didicisset tempus apparitionis stellæ, non tamen potuisse ab eis discere, an eodem die quo stella apparuit, natus fuerit puer necne, et ideo, ut quod intendebat, certius assequeretur, interficiendos curavisse infantes, etiam natos aliquo tempore ante apparitionem stellæ, cujus

signum est, quia etiam alios nocendos jussit, quos post ortam stellam natos esse certo compiebat. Et hoc modo interpretor verbum illud Evangelistæ: *A bimatu et infra, secundum tempus quod exquisierat a Magis;* quia, scilicet, considerato tempore ortus stellæ, humana quadam astutia arbitratus est intra tempus illud Redemptoris nativitatem contingisse. Ex dictis in hac sectione obiter colligitur (si vera sunt quæ supra de die nativitatis Christi diximus), hanc adorationem Magorum die veneris contigisse, quia Christus ortus fuit die dominica, et a Magis adoratus fuit eodem anno post 13 dies. Neque obstat quod in quibusdam decretis, quæ post VI Synodum habentur, in 3 tom. Conciliorum, et illi tribuntur, in 8 eorum significatur, hanc diem fuisse dominicam. Nam (si attente legatur) non dicit die dominica Christum adoratum fuisse a Magis, sed illis stellam refusisse, quod verum est. Quia (ut diximus) illis apparuit in die nativitatis Christi. Aliud vero ibi dicitur, ex quo posset nonnullum sumi argumentum, scilicet, baptismum Christi accidisse die dominica; dicemus autem infra, hoc et illud mysterium in eadem die facta fuisse. Sed est facilis responsio. Fuerunt enim in eodem die mensis, id est, sexto Januarii, qui non semper est idem hebdomadæ dies, ut per se constat.

## SECTIG V.

Quæ fuerit stella quæ Magis apparuit, et quomodo moveretur ac eos duceret.

1. *Stella, quæ Magis apparuit, non fuit ex cœlestibus.* — *Stella a Magis visa cœteris illestrior syderibus.* — De stella quæ Magis apparuit, concors est omnium sententia, non fuisse aliquam ex cœlestibus. Ita docet Div. Thomas hic, art. 7, ubi plures rationes adducit, sumprias ex Chrysost., hom. 6 in Mat., quas Damascen., lib. 2, c. 7, his brevioribus verbis complectitur: *Sydis, quod Magis apparuit, non ex illis erat quæ in ipso mundi virtu condita sunt. Id quod ex eo liquido perspicitur, quod ea nunc ab Ortu ad Occasum, nunc a Septentrione ad Austrum progredebatur, nunc delitescebat, nunc sese rursus aperiebat, id quod a syderum ordine et natura discrepat.* Et easdem prius docuerat Basilius, hom. de Humana Christi generatione. Et eadem est sententia Origenis, lib. 1 contra Celsum, non longe a fine. Quam optime confirmat Augustin., lib. 2 cont. Faust., cap. 5, et

ser. 3 de Epiphania; Fulgentius, in serm. de Epiphania; Leo item Papa, serm. 3 de Epiphania, *novum sydis* illud appellat. Quæ sententia (ut Augustinus doce indicavit) solum probabilior est, non certa. Nam rationes illæ ex motu ejus desumptæ non omnino cogunt. Nam, licet illa esset ex stellis cœlestibus, juberi poterat nato Christo relinquere quod agebat, et ad Christum manifestandum descendere, novoque modo et inusitato moveri. Sed, licet hoc divina potentia facere potuerit, id tamen, quod facilius est, et pauciora miracula, minoremque immutationem ordinis universi requirit, fecisse credendum est; multo autem facilius fuit novam stellam condere, quam e cœlo divellere, et vacuum illum locum relinquere, aut cœlum ad illum replendum rarefacere, aut novo et inusitato corpore illum replere, ac rursus stellam suo peracto ministerio illuc reducere. Adde stellam hanc, quæ Magis apparuit (ut Leo Papa inquit, ser. 1 et 3 de Epiphania), illustrarem ac pulchriorem cœteris syderibus fuisse. Quod etiam docuit Ignatius, epist. 14 ad Ephes., et Chrysost. supra, qui probat eluxisse plus quam solem, quia lucebat in die; hoc autem (ut ipse recte argumentatur) non poterat stellæ cœlestibus naturaliter convenire, cum ab ipso sole lumen accipiant; oportuit ergo ut Deus illi lumen adderet; eadem autem facilitate potuit novam stellam creare.

2. *Stella a Magis visa vere corporea et lucida.* — Difficultas vero superest, cuius naturæ fuerit illa stella. In qua imprimis certum existimo illam fuisse naturæ corporeæ, id est, verum corpus lucidum et illuminans. Itaque neque fuit aliquid specie tantum apparenſ seu phantasticum, quia Evangelium aperte significat fuisse stellam exterioribus sensibus objectam atque lucentem; neque etiam fuit lux aliqua quasi subsistens, et per se separata, tum quia non est necesse hoc novum miraculum sine necessitate fingere; tum etiam quia stella significat corpus aliquod, et non tantum accidentis. Et hinc fit illam stellam, ex materia, et forma substantiali fuisse compositam; hoc enim (ut supponimus) connaturale est omni corpori; et habuisse præterea lucem, quæ accidentis est corporis illuminantis, quale illud fuisse et nomen ipsum stellæ probat, et munus; quomodo enim dux viæ esse posset, nisi illuminando? Ex qua autem materia constiterit, qualis etiam ejus forma fuerit, et quale lumen, valde incertum est.

3. *Dubium.* — Primum enim inquiri potest,

an illa materia fuerit cœlestis, vel inferioris rationis cum reliquis; de intensione vero Patres citati significant fuisse sole splendidior, ut patet ex Ignatio, Chrysost., Damasc., et aliis supra citatis, qui omnes inde argumentum sumunt, quod in meridie lucere, Ecclesia in hymnis Epiphaniæ canit: *Quem stella, quæ solis radium vineit decore ac lumine.*

7. *Dubium tertium.* — *Responsio.* — *Lux stellæ a Magis visa, quanta.* — Nihilominus tamen non existimo necessarium, ut habuerit lucem intensiorem et majorem luce solis, quia difficile creditu est perfectiore lucem esse con naturalem alicui inferiori corpori, aut datam esse a Deo sine necessitate. Ut enim in meridie luceret, et videri posset, satis erat quod esset terra propinqua, et haberet lucem valde perfectam, et materiam admodum densam; hoc enim plurimum confert ad lucendum magis. Ex quo etiam obiter responderi potest ad curiosam interrogationem, si stella illa tam pulchra et lucida fuit, et in meridie lucebat, quomodo ab aliis hominibus, præterquam a Magis visa non fuit, non solum in propinquis, sed etiam in remotis regionibus. Vel, si visa fuit, quomodo non omnes in sui admiracionem rapuit, et per totum orbem ejus fama percrebuit? Ratio enim fortasse est, quia cum esset terra vicina, tantum in locis propinquis lucebat, præsertim in die; nocte vero fortasse elevabatur, ita ut solum ab iis qui syderibus cognoscendis vacabant, discerni posset, ut Niciphe. inquit, lib. 1 Hist., cap. 13.

8. *Dubium quartum.* — Ultimo tandem inquiri potest de motu et motore hujus stellæ. Quod enim stella illa moveretur ad duendos Magos, verisimile est. Duplex enim est opinio in hac re. Altera dicit Magos non semper vidisse stellam, sed semel tantum in principio; postea disparuisse, donec iterum eis apparuit, quando egrediebantur Jerusalem, ut Bethlehem pergerent. Cui sententiae videntur favere illa verba Mat.: *Et ecce stella, quam viderant in Oriente, antecedebat eos.* Tantum ergo visa fuit in Oriente, et postea non fuit dux itineris, nisi ab Jerusalem usque Bethlehem. Idem videntur indicasse Magi illis verbis: *Vidimus stellam ejus in Oriente.* Et hanc sententiam amplexi sunt Cajetanus, Matth. 2; et Janse nius, capit. nono Concordiæ, et tribui solet Basilio, homilia de Humana Christi generatione; et Augustino, sermon. 2 Epiphaniæ; sed hi Sancti nihil clare dicunt. Unde contraria sententia, scilicet, stellam fuisse ducem Magorum, semperque eos fuisse comitatum;

6. Rursus de ipsa luce talis stellæ inquiri potest, quanta fuerit. Nam (quod ad essentiam spectat) verisimile est fuisse ejusdem